

## AVIZU KONKURSU PÚBLIKU

Komisaun Funsau Públika, tuir forma Dekretu Lei no. 34/2008, 27 loron Agostu. Ho redasaun husi Dekretu Lei no. 22/2011, loron 8 Juñu, konabá Rejime Konkursu, Rekrutamentu, Selesaun, Nomeasaun no Promosaun Pesoal iha Administrasaun Públika ne'ebé foó biban ho prosedimentu sira atu loke konkursu públiku tuir avizu konkursu públiku iha Prokuradoria Jerál Repúblika.

Referénsia	Ref. Nú CPI/46/2022
Títulu ba Pozisaun	Apoiu administrasaun
Grau Categoria	Grau : E / Tékniku administrativu
Instituisaun	Administrasaun no Rekursu Humanu Prokuradoria Jerál Repúblika
Responsabilidade ba Departamentu	Iha Diresaun nia responsabilidade
Saláriu mensal :	US\$ 204
Númeru ba vaga :	1 (ida)
Relasaun júridika ba empregu :	Permanente
Tipo konkursu ba :	Públiku
Métodu selesaun karáter eliminatóriu:	1. Avaliasaun kurikular 2. Prova eskrita liu husi ezame sistema elektronikua 3. Entrevista profesional.
Hato'ó relatóriu ba:	Xefe Departamentu Étika Dixiplina no Dezempeñu

**A. Deskrisaun konteúdu fungsional husi pozisaun:**

Apoiu administrasaun hala'ó serbisu tutela ba Diretor RH, ho funsaun sira hodi fo apoiu ba Diresaun Administrasaun no Rekursu Humanu. Ofisial administrasaun iha ninia responsabilidade hodi apoiu serbisu administrasaun hotu iha Diresaun Administrasaun no Rekursu Humanu iha Prokuradoria Jerál Repúblika inklui Prokuradoria Distritál sira no iha orientasaun ho Diretor RH hodi asegura katak sira tenke halo tuir ho Lei, regulamentu no prosedimentu sira iha Prokuradoria Jerál Repúblika no Lei Funsau Públika.

## **B. Responsabilidade sira ba pozisaun:**

1. Prepara karta konvite no organiza agenda enkontru Diretor Rekursu Humanu nian;
2. Prepara lista prezensa partisipante no halo minuta ba enkontru;
3. Hanesan fonte informasaun ka komunikasaun no halo ligasaun ne'ebé diak ho ema sira husi liur ka instituisaun seluk ;
4. Halo arkivamentu ba dokumentu importante hanesan; proposta, karta sai no tama inklui dokumentu sira seluk ne'ebé konsidera importante;
5. Halo pedidu / rekizasaun ba finansa konabá nesiedade Diresaun nian;
6. Atende bainaka ne'ebe atu enkontru ka hasoru Diretor Rekursu Humanu;
7. Halo Fotokopia dokumentu wainhira presiza;
8. Halo mós serbisu seluk ne'ebé superior sira atribui ba tuir regra ne'ebé iha ;

## **C. Rekezitu sira ba selesaun:**

### **1. Rekezitu fundamental**

Tuir artigu 14, Estatutu Funsau Públika, Lei Nº. 8/2004 loron 16 fulan Juñu 2004 ho Lei Nº 5/2009, aplikante sira tenke:

- a) Sidadaun Timor Leste;
- b) Mínimu tinan 17 no máximu tinan 55;
- c) Laiha istoria hahalok kriminal ne'ebé bele rezulta ba pesoal ne'e hetan sentensa tama kadeia tinan rua ka liu, no nunca halo buat ruma ne'ebé konsidera inkompativel ho funsau sira ne'ebé nia sei hala'o iha administrasaun públika;
- d) Antes ne'e nunca hetan demisaun husi instituisaun estadu ruma;
- e) Prontu atu serbisu iha ne'ebé deit iha parte teritóriu Timor Leste nian ka halo ofisial misaun iha tasi balu;
- f) Prontu hodi hala'o viazen iha rai laran no mós iha tasi balu;

- g) Iha saúde diak no kondisaun fízika no mental diak hodi bele hala'ó funsaun ne'ebé nia konkore bá;
- h) Hatudu katak iha kapasidade (hakerek ho koalia) iha kualker lian ida husi lian ofisial rua ne'e (Tetúm ka Portugues) no hatene Inglês sai vantajen diak.

## **2. Rekezitu obrigatoriu**

Minímu diploma Sekundáriu ne'ebé hetan ona rekoñesimentu husi Ministériu Edukasaun iha Timor Leste.

## **3. Rekezitu selesaun sira konabá kualifikasaun, habilidade adisional, kompeténsia no esperiénsia spesifiku ba pozisaun ne'e:**

- a) Mínimu iha esperiénsia serbisu tinan 2.
- b) Banati tuir Lei, politika no prosedimentu sira iha administrasaun públika Timor Leste, liu-liu Estatutu Ministériu Públiku no Estatutu Funsan Publika;
- c) Hatudu kapasidade atu hametin relasaun no ambiente ne'ebé diak ho funcionáriu sira iha Departamentu /ekiparadu sira seluk iha Prokuradoria Jerál Repúblika;
- d) Iha abilidade komputador diak, liu-liu Microsoft Word, Excel, PP no Acces;
- e) Demonstra koñesimentu no abilidade hirak ne'ebé nu'udar rekezitu kompeténsia no responsabilidade sira ba pozisaun nian;
- f) Hatudu katak iha kapasidade (kompriende, koalia no hakerek) iha kualker lian ida husi lian ofisial rua ne'e (Tetúm ka Portugues) no hatene lian Inglês nu'udar vantajen diak.

## **4. Preferênsia rekrutamentu sira:**

Apontamentu sei determina husi méritu. Aplikante sira ne'ebé iha valór final hanesan, no preferênsia sei fó liu ba aplikante sira ne'ebé:

- Feto;
- Tinan entre 20 ho 35

#### **D. Kompozisaun júri**

Painel júri ba konkursu no selesaun sei kompostu husi:

1. Sr. Noemio da Silva, husi PJR, Presidente júri
2. Sra. Anabela da Costa Lesu, husi PJR, vogal
3. Sr. José Manuel Soares, husi PJR, vogal
4. Sr. Delfim Leitão, husi KFP, vogal
5. Sra. Santarina Xavier Rosário, husi KFP, vogal
6. Sr. Edilson Manuel Alain Ximenes, husi PJR, suplente
7. Sr. Valentino Moniz Barreto, husi PJR, suplente

#### **E. Materia sira ba prova (Prova eskrita & entrevista)**

##### **1. Materia jerál (25%)**

- Konstituisaun RDTL;
- Lejislasaun Funsan Públika;
- Istória Timor Leste;

##### **2. Materia Espesifiku (75%)**

- Dekretu Lei no. 6 / 2010, loron 14 Abril, altera ba Dekretu Lei no. 24 / 2017, loron 19 Julhu ;
- Lei 14 / 2005, loron 16 Setembru, altera ba Lei 11 / 2011, loron 28 Setembru, konabá Estatutu Ministériu Públiku;
- Matematika & estatistika bázika;
- Dominiu téknolojia informátika bázika;
- Deskrisaun serbisu nian vaga ka pozisaun sira ne'ebé mak konkorente sira konkore ba;
- Proficiência komunikaun eskrita no oral iha lian Tetum no Português no koñesimentu lian Inglés;

- Atu hetan informasaun konabá lei sira iha leten bele buka iha website Jurnal Repúblika;

**F. Sistema klasifikasaun finál**

1. Métopu selesaun koresponde ba análiza kurikular, verifikasaun referénsia pesoal, prova eskrita no entrevista.
2. Kalkulasaun eskala média ba prova eskrita husi pontu 0 to'o 100, sei konsidera kandidadu ne'ebé hetan pontu 60 ba leten mak bele kontinua ba faze entrevista finál.
3. Kandidatu ne'ebé hetan valór bo'ot liu mak okupa vaga / fatin refere.

**G. Dokumentu ne'ebé tenki aneksu ba prosesu selesaun :**

1. Karta aplikasaun diriji ba **Prezidente júri, Noemio da Silva**, tuir termu referênsia ba vaga ne'ebé mak kandidatu aplika.
2. Kurikulum vitae / CV tenke hakerek ho lian Tetúm ka Português no tenki asina husi rekerente, mínimu iha testemunha na'in rua (2) kompletu ho sira ida-idak nia número kontaktu ;
3. Foto kopia kartaun eleitoral no billeti identidade (BI) validu;
4. Foto kopia sertifikadu habilitasaun literaria ka profesional /diploma (legalizadu orijinal);
5. Foto kopia sertifikadu formasaun profesional karik iha ;
6. Atestadu médiku (orijinal);
7. Kopia sertidaun RDTL;
8. Sertidaun rejistu kriminal ka Bom Comportamento;
9. Karik funsionáriu públiku, tenki apresenta karta deklarasaun livre prosesu dixiplinar husi KFP;
10. Dokumentu hotu hatama iha **map / envelope ko'or (Kinur)** no hakerek naran aplikantes no área especialidade inklui número referênsia;

11. Anunsiu konkursu ne'e loka hahu lora 17 fulan Maiu tinan 2022 no sei remata iha lora 31 fulan Maiu tinan 2022, husi tuku 09.00 - 16.30 OTL;
12. Prosesu selesaun ida ne'e eliminatõriu. Tan ne'e, falha submete dokumentu lakompletu tuir rekizitu sira hanesan mensiona iha leten sei rezulta aplikasaun "**deskualifika**";
13. Enkoraja tebes ba joven feto sira atu bele mai aplika ba vaga pozisaun ne'e.
14. Data teste eskrita no entrevista sei fo'o sai ho orãriu ba kandidatu sira ne'ebé kualifika iha prosesu selesaun dokumentu aplikasaun sira;
15. Pùblikasaun rezultadu: lista kandidatu admitidu ba konkursu no lista klasifikasaun finál sei taka iha kadru avizu Prokuradoria Jerál Repùblika, Prokuradoria Distritál sira no Komisaun Funsau Pùbliku;
16. Submisaun dokumentu ba pessoal Rekursu Humanu Departamentu Rekrutamentu no Formasaun, Diresaun Administrasaun no Rekursu Humanu iha Prokuradoria Jerál Repùblika, Colmera Dili, no Prokuradoria Distritál Baucau, Prokuradoria Distritál Suai no Prokuradoria Distritál Oecusse.

**Dili, lora 16 fulan Maiu tinan-2022**

  
**Noemio da Silva**  
**Prezidente júri**

